



* Koret "Cortado" framførte eit program for ein kvar smak.

Koseleg konsert med "Cortado"

7. juni var det konsert med koret "Cortado". Den vart haldt på "nedrebygget" på Volda Vidaregåande Skule, noko som førte til at det vart ein intim, men veldig koseleg konsert.

Ute var det eit surt og grått vêr, men inne i konsertlokalet var det ei heilt anna stemning, for der var det dempa belysning og levande lys. Med eit variert program og flinke songarar, var det ingen tvil om at publikum storkoste seg under konserten. Det vart framført alt frå "Drømmedame" av Trang Fødsel, til "True Colors" av Billy Steinberg/Tom Kelly, så i løpet av konserten var det framført noko for ein kvar smak.

Koret, som består av Yngvild Birkeland, Siv Kristin Aurdal, Katharina Teige Førde, Ingeborg Rørvik Lejon, Ingvill Vik, Oddvar Aalde, Hjalmar Eiksund, Eirik Bech, Jon Endre Ørstavik og Dag Tore Hagen, fekk ein stor applaus når konserten var ferdig.

Kreativt kor

Dirigent Siv Kristin Aurdal forklarte at koret vart danna på grunn av at koret Stemmebandet vart oppløyst.

- Etter at dirigenten til stemmebandet flytta, så var det nokon i

det koret som ønskte å halde fram å syngje rytmisk musikk, og det var på den måten dette koret vart til. Det var først ei lita gruppe som begynte, så kom dei noverande kormedlemmane litt etter litt.

Aurdal fortalde vidare at det er veldig kjekt å syngje i kor, for det er veldig sosialt, og ein må vere kreative i lag. Samtidig er det utfordrande, og ein må også stole mykje på seg sjølv.

Positivt overraska

Det var eit godt oppmøte under konserten, og ei av dei som var der, var Carina Hansen. Ho fortalte at ho var der fordi ho hadde sett ein plakat på jobben sin, og bestemte seg difor for å fare å høyre på.

- Eg er ny her i Volda, og tenkte at det hadde vore kjekt å fare å høyre på. Eg vart veldig positivt overraska, for dette var mykje vakrere enn eg hadde sett føre meg faktisk, fortalte Carina nøgd.


Sofie Sætre



* Hjalmar Eiksund levde seg inn i songen.



* Ein av dirigentane, Siv Aurdal, fekk blomar etter konserten var ferdig.



* Ingeborg Rørvik Lejon var solist på to songar.